

PROGRAMI I TRANSPARENCËS PËR PROKURORINË SHQIPTARE

MIRATUAR ME URDHËR NR. 139, DT. 30.04.2015 TË PROKURORIT TË PËRGJITHSHËM

I. HYRJE

Në përputhje me nenin 7 të ligjit nr.119/2014 “Për të Drejtën e Informimit” është përgatitur programi i transparencës për Prokurorinë Shqiptare. Ky program përcakton kornizën ligjore të veprimtarisë së prokurorisë në kuadër të ligjit nr.119/2014 “Për të Drejtën e Informimit”(LDI).

Programi i Transparencës vlerësohet si një mënyrë konkrete, nëpërmjet të cilës Autoriteti Publik (këtej e tutje Prokuroria) ndërton dhe rrit transparencën në punën e tij institucionale, nën garancinë e LDI-së. Prokuroria do të përditësojë herë pas here Programin e Transparencës, në përputhje me pikën 2 të nenit 5 të LDI-së.

Informacioni i bërë publik në këtë program, synon të bëjë transparencën e veprimtarisë së punës së Prokurorisë Shqiptare, nëpërmjet pasqyrimit të detajuar të tij në faqen zyrtare www.pp.gov.al si dhe në mjediset e pritjes së publikut. Programi i transparencës pasqyrohet në rubrika, tekste/përmbajtje, afat kohor për bërjen publike të tij, mënyrën e bërjes publike si dhe strukturën përkatëse e cila prodhon ose administron dokumentin.

Në përmbajtje të programit të transparencës evidentohet skema e publikimit, e cila pasqyron menutë ku adresohet dokumenti në faqen zyrtare në internet. Përveç kësaj, çdo dokument është i aksesueshëm edhe në skemë.

Dokumentacioni i bërë publik, do të jetë i përditësuar në formë e përmbajtje. Faqja zyrtare e Prokurorisë Shqiptare është ndërtuar në atë formë që mundëson informacion për publikun pa kërkesë në format lehtësisht të kuptueshëm. Në rubrikat e faqes zyrtare pasqyrohen edhe informacione që karakterizohen nga kufizime të identifikimit të të dhënave personale për shkak të ruajtjes së privatësisë së individëve/subjekteve të të dhënave, etj.

Skema e publikimit paraqitet nëpërmjet tabelës përmbledhëse të evidentuar në këtë program.

II. PARIME TË PËRGJITHSHME

Parimet kryesore në të cilat mbështetet Programi Transparencës së Prokurorisë Shqiptare janë:

1. “E drejta për informim” është e drejtë Kushtetuese e parashikuar në nenin 23 të saj, e aksesueshme nga të gjithë pa asnjë përjashtim.
2. Prezumimi i publikimit maksimal të të dhënave: Prokuria ushtron funksione publike, për rrjedhojë informacioni që rrjedh nga veprimtaria e tij publikohet në përputhje me legjislacionin në fuqi.

PROGRAMI I TRANSPARENCËS PËR PROKURORINË SHQIPTARE

3. Zbatimi korrekt i ligjit dhe dispozitave ligjore që rregullojnë në mënyrë të posaçme veprimtarinë e Prokurorisë Shqiptare dhe përkatësisht: Kushtetuta e Republikës së Shqipërisë; Ligji nr. 8737, datë 12.2.2001 “Për organizimin dhe funksionimin e prokurorisë në Republikën e Shqipërisë”, i ndryshuar; Kodi i Procedurës Penale, etj.
4. Informacioni përshtatet në gjuhë të qartë e të kuptueshme.
5. Organ mbikëqyrës i procedurave të informimit publik është Komisioneri për të Drejtën e Informimit dhe Mbrojtjen e të Dhënave Personale” (këtej e tutje KDIMDP).
6. Rishikimi i programit të transparencës bëhet sipas së njëjtës procedurë, përmes së cilës është bërë miratimi i tij.
7. Informacioni publik pa kërkesë duhet të jetë:
 - i plotë;
 - i saktë;
 - i përditësuar;
 - i thjeshtë në konsultim;
 - i kuptueshëm;
 - lehtësisht i aksesueshëm;
 - i pajtueshëm me dokumentet origjinale në posedim të autoritetit publik.

III. INFORMACIONI QË BËHET PUBLIK PA KËRKESË

Informacioni i lejuar për publikim është shprehimisht i parashikuar në nenin 7 të ligjit Nr.119/2014 “Për të Drejtën e Informimit”.

Në përputhje me këtë program transparence, të miratuar nga Prokurori i Përgjithshëm, vendosen në dispozicion të publikut në faqen e internetit www.pp.gov.al, si edhe në mjediset e pritjes së publikut, kategoritë e mëposhtme të informacionit:

- Strukturën organizative;
- Tekstet e plota të konventave që janë ratifikuar, të ligjeve, të akteve nënligjore, të kodeve të sjelljes, dokumente politikash, të manualit ose ndonjë dokument tjetër që ka lidhje me ushtrimin e funksioneve të tij dhe që prek publikun e gjerë;
- Informacion për procedurat që duhen ndjekur për të bërë një kërkesë për informim, adresën postare dhe elektronike për depozitimin e kërkesave për informim, si dhe procedurat e ankimit të vendimit përkatës;
- Të dhëna për vendndodhjen e zyrave të autoritetit publik, orarin e punës, emrin dhe kontaktet e koordinatorit për të drejtën e informimit;
- Të dhëna për arsimin, kualifikimet dhe pagat e funksionarëve, të cilët kanë detyrimin për deklarimin e pasurisë, sipas ligjit, strukturat e pagave për nëpunësit e tjerë, si dhe një përshkrim të procedurave të zgjedhjes, kompetencave dhe detyrave të funksionarëve të lartë të autoritetit publik dhe procedurën që ata ndjekin për të marrë vendime;

PROGRAMI I TRANSPARENCËS PËR PROKURORINË SHQIPTARE

- Mekanizmat monitorues dhe të kontrollit që veprojnë mbi autoritetin publik, përfshirë planet strategjike të punës, raportet e auditimit nga Kontrolli i Lartë i Shtetit ose subjekte të tjera, si dhe dokumentet që përmbajnë tregues të performancës së autoritetit;
- Të dhëna për buxhetin dhe planin e shpenzimeve për vitin financiar në vijim dhe vitet e kaluara, si dhe çdo raport vjetor për zbatimin e buxhetit. Në ato raste kur autoriteti publik vetëfinancohet nga tarifat e licencave ose çdo formë tjetër e financimit të drejtpërdrejtë nga subjektet e rregulluara prej tij, bëhen publike edhe dokumentet që tregojnë gjendjen e shlyerjes së detyrimeve nga subjektet e licencuara;
- Informacion për procedurat e prokurimit apo procedurat konkurruese të koncesionit/partneritetit publik privat, përkatësisht, sipas parashikimeve të ligjit nr. 9643, datë 20.12.2006, “Për prokurimin publik”, dhe të ligjit nr. 125/2013, “Për koncesionet dhe partneritetin publik privat”, që kryhen për llogari të autoritetit publik, duke përfshirë: listën e kontratave të lidhura, shumën e kontraktuar, palët kontraktuese dhe përshkrimin e shërbimeve mallrave të kontraktuara, informacionin për zbatimin dhe monitorimin e kontratave, si dhe udhëzues e politika të ndryshme;
- Informacion për shërbimet që autoriteti i jep publikut, përfshirë standardet për cilësinë e shërbimit, një përshkrim të kategorive dhe formave të ndihmës shoqërore, subvencioneve të dhëna nga autoriteti publik dhe të procedurave për t’i përfituar ato, informacione dhe dokumente që kërkohen shpesh, çdo informacion tjetër që gjykohet i dobishëm nga autoriteti publik;
- Çdo mekanizëm dhe procedurë për bërjen e kërkesave dhe ankesave, në lidhje me veprimet ose mosveprimet e autoritetit publik, procedura, përmes së cilës personat e interesuar mund të paraqesin mendimet e tyre apo të ndikojnë në çfarëdo mënyre tjetër në hartimin e ligjeve, të politikave publike apo ushtrimin e funksioneve të Prokurorisë Shqiptare, një përshkrim të thjeshtë të sistemit që përdor autoriteti publik për mbajtjen e dokumentacionit, të llojeve, formave të dokumenteve, si dhe të kategorive të informacionit që bëhet publik pa kërkesë;
- Prokuroria, gjithashtu, krijon dhe arkivon një kopje digjitale të faqes zyrtare të tij në internet, të plotësuar me informacionin që kërkohet në programin e miratuar të transparencës, si dhe për metodat, mekanizmat dhe periodicitetin e publikimit të informacioneve publike, të cilat vihen në dispozicion të publikut pa kërkesë;
- Aktet që përmbajnë rregulla, norma apo kufizime me karakter të përgjithshëm ose për kategori të veçanta, bëhen publike me anë të afishimit apo postimit në faqen zyrtare të internetit, brenda 48 orëve prej miratimit të aktit nga prokuroria, **përveç atyre që merren në kuadër të një procedimi penal.**

Informacioni i publikuar sipas kësaj skeme, përditësohet sa herë ai ndryshon.

IV. TABELA PËRMBLEDHËSE E PROGRAMIT TË TRANSPARENCËS SË PROKURORISË SHQIPTARE

Kategoritë e informacionit publik	Baza ligjore	Dokumenti/Përmbajtja	Afati koho	Mënyra e publikimit	Struktura përgjegjëse
-----------------------------------	--------------	----------------------	------------	---------------------	-----------------------

PROGRAMI I TRANSPARENCËS PËR PROKURORINË SHQIPTARE

pa kërkesë			r për publikim		
Përshkrim i strukturës organizative, funksioneve dhe detyrave të autoritetit publik.	Neni 7/1/a/d	Skeme Tabele e funksioneve	Pas miratimit	Ne faqen zyrtare ne menune “Rreth nesh”	DIBNJ
Akte ndërkombëtare ligje; akte nën ligjore; dokument politikash; dokument tjetër.	Neni 7/1/b	Kushtetuta Akte nderkombetare Ligje Akte nenligjore te Prokurorit te Pergjithshem	Pas hyrjes ne fuqi	Ne faqen zyrtare ne menune “Legjislati”	Prokuroria dhe institucione te tjera
Informacion për procedurat që duhen ndjekur për të bërë një kërkesë për informim, adresën postare dhe elektronike për depozitimin e kërkesave për informim, si dhe procedurat e ankimit të vendimit përkatës.	Neni 7/1/c/g	Kerkese sipas formatit bashkelidhur Adrese postare: Adrese email:	Pas miratimit te programit te transparences	Ne faqen zyrtare ne menune “Programi i Transparenc es” dhe “Rreth Nesh” (struktura)	Personi pergjegjes per komunikimin me publikun
Të dhëna për vendndodhjen e zyrave të autoritetit publik, orarin e punës,	Neni 7/1/ç	Sipas rretheve ORARI: e Hene- e Premte ora 8.00 -16.00	Pas miratimit te programit te	Ne faqen zyrtare ne menune “Rreth Nesh”- struktura	Personi pergjegjes per komunikimin me publikun

PROGRAMI I TRANSPARENCËS PËR PROKURORINË SHQIPTARE

emrin dhe kontaktet e koordinatorit për të drejtën e informimit.			transparenc es		
Përshkrim i procedurave të zgjedhjes, kompetencave të funksionarëve të lartë dhe procedura e ndjekjes për marrjen e vendimeve.	Neni 7/1/d	Dekret Presidenti Parashikimet ligjore te neneve, 7, 8,9,43,58 te ligjit 8737/2001 i ndryshuar.	Pas hyrjes ne fuqi	Ne faqen zyrtare ne menune “Rreth nesh”	
Mekanizmat monitorues; raporte auditit; dokumentet me tregues performance	Neni7/1/dh	Raporte	Pas depozimit ne Prokurori	Ne faqen zyrtare ne menune “Dokument e”	DFSHM Sektori Auditimit
Buxheti	Neni 7/1/e	Parashikimet e nenit 57 te ligjit ligjit 8737/2001 i ndryshuar. Ligji per buxhetin dhe akte nenligjore ne zbatim te tij Raporte per monitorimin e performances	Pas hyrjes ne fuqi	Ne faqen zyrtare ne menune “Dokument e”	DFSHM
Informacion për procedurat e prokurimit.	Neni 7/1/ë	Regjistri	Pas dergimit ne APP	Ne faqen zyrtare ne menune “Njoftime”	DFSHM

PROGRAMI I TRANSPARENCËS PËR PROKURORINË SHQIPTARE

Shërbimet e autoritetit për publikun.	Neni 7/1/f	Vertetime Kopje aktesh/dokumentash		Ne faqen zyrtare ne menune “Legjislatio ni”	Prokuroritë e të gjitha
Paraqitja e mendimeve në hartimin e p/akteve, etj.	Neni 7/1/gj	Ne perputhje me nenin 10 te ligjit 8737/2001 i ndryshuar.	Pas drafti mit	Ne faqen zyrtare ne menune “Rreth nesh”	Drejtore
Mbajtja e dokumentacionit nga Prokuroria	Neni 7/1/h	Ruajtja e dokumentacionit ne sistemin arkivor te insitucionit behet ne perputhje me kuadrin ligjor per arkivat ne R.Sh.		Ne faqen zyrtare ne menune “Legjislatio ni”	Spektori protokoll arkivit
Regjistri i kërkesave dhe përgjigjeve, sipas nenit 8 të këtij ligjit nr.119/2014.	Neni 7/1/i	Tabela (formati bashkelidhur)	Pas mirati mit te progr amit te transp arenc es	Ne faqen zyrtare ne menune “Programi i transparenc s”	Koordinatori
Informacione dhe dokumente që kërkohen shpesh.	Neni 7/1/k	Vende vakante Statistika Njoftime per tendera		Ne faqen zyrtare ne menute “Rreth nesh” dhe “Dokument e”	DPBNJ Struktura pergjegjese per Statistikat DFSHM

PROGRAMI I TRANSPARENCËS PËR PROKURORINË SHQIPTARE

Informacione të tjera të dobishme	Neni 7/1/1	Projekte Marreveshje bashkepunimi Njoftime per shtyp		Ne faqen zyrtare ne menune “Bashkepunime” dhe “Njoftime”	
-----------------------------------	------------	---	--	--	--

V. PUBLIKIMI

Në përputhje me këtë program transparence të miratuar, Prokuroria vendos në dispozicion të publikut në faqen e saj të internetit www.pp.gov.al dhe në mjediset e pritjes së publikut, kategoritë e mësipërme, në një menu të veçantë të titulluar “Programi i Transparencës”.

VI. MONITORIMI

Komisioneri për të Drejtën e Informimit dhe Mbrojtjen e të Dhënave Personale monitoron zbatimin e ligjit për të drejtën e informimit, duke nxitur parimin e transparencës në punën e autoriteteve publike, veçanërisht duke sensibilizuar dhe informuar për çështje të së drejtës së informimit.

Komisioneri bën rekomandime për autoritetet publike, lidhur me konceptimin dhe zbatimin e programeve institucionale të transparencës.